

TOUCHER

CENTURION ROLBALKLUB
CENTURION BOWLS CLUB



NUUSBRIEF / NEWS LETTER MAART / MARCH 2016



FONDSINSAMELING : 8 APRIL 2016

Stel 'n gemengde 4-span saam en skryf jou naam op die lys op die bord of laat Marsha of Florence weet wie in jou span is. Daar is ook verskeie lyste vir hulp benodig in die kombuis, op die bane en in die kroeg asook met die reëlins van die dag. Ondersteun ook asb die lootjielyste. Laat ons saamstaan om hierdie dag 'n groot finansiële sukses te maak. Kontak vir Marsha of Florence om hulp aan te bied.

PARKERING

Op die parkeerarea suid van die klubhuis is daar enkele parkeerplekke wat gemerk is vir

- Lede van die bestuurskomitee
- 'n Parkeerplek vir die voertuig van 'n gestremde persoon
- Die ingang na die klubhuis.

INGANG NA DIE KLUBHUIS

Lede word versoek om nie in die ingang na die klubhuis – dit is tussen die parkeerplek vir 'n voertuig van 'n gestremde en die parkeerplek van die President – te parkeer nie. Die toegangsarea moet te alle tye oop wees vir die toegang van spelers en in noodgevalle, vir personeel van ambulans en noodvoertuie.

PARKEERPLEK VIR DIE VOERTUIG VAN 'N GESTREMDE PERSOON

Die parkeerplek vir gestremde persone is slegs vir voertuie wat die nodige aanduiding het dat dit die voertuig van 'n persoon is. Voertuie wat nie deur die gestremde kenteken geïdentifiseer is nie en op die plek geparkeer is, is ongemagtig daar geparkeer.

PARKEERPLEKKE VIR BEPAALDE AMPSBEKLEëRS

Parkeerplekke wat aangedui is as parkeerplekke vir bepaalde ampsbekleërs van die bestuurskomitee, is gekoppel aan die portefeulje van die betrokke ampsbekleër en nie aan die persoon van die ampsbekleër nie. Dit beteken dat daar nie met 'n ampsbekleër onderhandel kan word oor die gebruik van die bepaalde parkeerplek nie. Insgelyks kan 'n ampsbekleër nie die toegewese parkeerplek onder bepaalde voorwaardes aan 'n ander persoon beskikbaar stel nie.

Problems are only opportunities in work clothes.

BELANGRIKE DATUMS OM ONTHOU

**MEYERSPARKDAG BY CENTURION - 6 MEI
VIER-HOEKIGE BYEENKOMS BY LYNNWOOD -
23 JULIE.**



Valentynsdagvieringe wat in 'n gemoedelike gees plaasgevind het, het'n stewige bedrag ingebring en die manstoilette kon geverf word.

Baie dankie aan Sakkie en sy "bestuurder" vir al hul harde werk. Sakkie se handlanger wat hom moes help, het nie opgedaag nie en toe kry hy sommer'n "bestuurder" Florence. Julle is 'n STAATMAKER SPAN!!!!



It always seems impossible until its done, NelsonMandela

Die klubwedstryde is in volle swang en lede word gevra om asseblief die kennisgewingbord dop te hou vir datums wanneer hulle moet speel. Lees julle e-posse en selfoonboodskappe. Beide kompetisie-sekretarisse werk voldag en het ons samewerking nodig. Vul ook asseblief die afwesigheidslys betyds in,



Ships don't sink because of the water around them, ships sink because of the water that gets in them.

BAIE GELUK AAN:

Felicity, Hendrina, Louise en Maxie. Hulle was naasweners van BGN 4-re.

Twilight Bowls mixed pairs is die afgelope 7 weke by Zwartkop gespeel. Daar was drie inskrywings van Centurion met Maxie en Johan die derdeplekweners. Dit is die laaste keer by Zwartkop aangebied en in gemoedelike gees deur almal geniet.



NUWE LEDE

Sonia Mahlabane	063 278 2858
Flip Mattheus	012 654 4835/ 082 345 3017
Jas Collen	012 644 0078 / 073 247 8919

Hartlik welkom by Centurion rolbalklub en ons nooi julle uit om deel te neem aan al ons aktiwiteite.

Joy is a net of love by which you can catch souls. Mother Theresa.

LIEF EN LEED

- Ons innige simpatie aan Maxie wie se Pa oorlede is
- Theuns wat 2 broers aan die dood afgestaan het binne 'n tydperk van een maand.
- Albie wie se swaer ook oorlede is.

Mag mooi herinneringe vir julle tot troos wees.

Dit gaan beter met Ian Bennie

Eugene was ook onder die mes en ons wens hom spoedige herstel toe.

Estie Giani is besig met toetse en behandeling Ons dink aan haar.

**The most wonderful places to be in the world are: In someone's thoughts
someone's prayers and in someone's heart**

VERJAARSDAE IN MAART:

Baie geluk en mag die jaar vol seëninge en goeie rolbal wees.

- | | |
|----|----------------------------------|
| 1 | Joan Church (erelid)/ Judy Ralph |
| 3 | Dennis Clausen |
| 6 | Carol Fortune |
| 12 | Hennie de Beer /Martie Wepener |
| 19 | André Strydom |
| 21 | Louise Graham |
| 24 | Fatsie van Sitterd |
| 28 | Albie Venter |
| 29 | Danie Bosch |
| 31 | Louwtjie du Plessis |

May God fill your cup of blessings to overflow this year.

VERJAARSDAE IN APRIL

Hartlik geluk en 'n jaar vol seënwenne aan almal.

- | | |
|----|--------------------------------------|
| 2 | Ben Bonthuizen |
| 6 | Eric Oosthuizen |
| 7 | Lizzie Robinson / Maartjie Potgieter |
| 9 | Sakkie van Zyl |
| 10 | Hendrina Haupt |
| 11 | Johan De La Rey |
| 14 | Robina Anderson |
| 23 | Elsabé Heyns |
| 26 | Hans Greyling |
| 29 | Matie Stander |
| 30 | Marie Strydom |

**Relationships do not need a cute voice and a lovely face relationships need a
beautiful and unbreakable trust.**

**DAMES VERANTWOORDELIK VIR
TEE IN MAART**

Magriet Rabie (sameroepster)
Val Hockley
Jannie de Beer
Robina Anderson



**DAMES VERANTWOORDELIK VIR
TEE IN APRIL**

Hettie van der Merwe (sameroepster)
Elsabé Heyns
Estelle de Beer
Dorina du Plessis

MANS VERANTWOORELIK VIR BAANDIENS IN MAART:

Speedy de Wet (sameroeper)
Binus Schoeman
Allan Wynne



MANS VERANTWOORDELIK VIR BAANDIENS IN APRIL

Koos Moolman (sameroeper)
Frik van Niekerk
Hennie de Beer

**BAIE DANKIE AAN DIE DAMES EN MANS VIR DIENSTE GELEWER, ONS
WAARDEER DIT.**

Gedurende BGN-wedstryde is daar altyd voorbereiding wat gedoen moet word en op die dag van spel moet diens gelewer word. Baie dankie Sakkie, ,Florence, Bruce, Cathy, Hans, Poppie en Albie dat julle jul dag opgeoffer het en hiér die leisels so mooi vasgehou het. Ons waardeer julle insette.

Lets throw kindness around like confetti

ROLBAL ETIKET (goeie maniere op die baan)

1. Spelers beweeg slegs na die kop nadat die laaste bal tot stilstand gekom het.
2. Nadat jou span se gelewerde bal tot stilstand gekom het, mag jy nie meer opmerkings aan die laaste speler gee nie. Die baan behoort nou aan die ander span.
3. Skipper moet asseblief nie jou "lappie" op die grond gooi as'n bal nie na jou sin gespeel is nie.
4. Wanneer die skeidsregter geroep word, staan alle spelers weg uit die kop,,naby of op die voorste wal. Alle balle moet reeds gestut wees voordat die skeidsregter geroep word.

5. Almal wil graag rolbal speel. Hou die “kuier” vir na spel in die klubhuis en konsentreer op die spel.
6. Dit is goeie etiket om die mat op te tel en op die wal te plaas wanneer jou teenstander die laaste skoot in ‘n kop speel.
7. Die bymekaarmaak van die balle moet gesamentlik gedoen word. Doen jou plig.
8. Nadat die trekking vir spel in die klubhuis gedoen is, „mag geen speler aan die bord veranderinge aanbring nie, Veranderinge mag wel op die baan aangebring word deur onderlinge ooreenkoms.

VAN WAAR GEHASI?

EUGENE VAN RENSBURG is op 20 Februarie 1933 in Durban gebore. Aan die einde van 1951 matrikuleer hy aan die Hoërskool Adelaide. In 1952 doen hy’n jaar militêre opleiding in die Militêre Gimnasium en begin in Januarie 1953 in die Landdroskantoor Pretoria werk. Op 30 Augustus 1992 is hy op grond van swak gesondheid ontslaan, terwyl hy as streeklanddros in Kempton Park gewerk het.

Vir baie jare was hy ‘n student aan Unisa en het uiteindelik sy regstudies voltooi – in die proses het hy jaarliks, vir baie jare, ‘n groot bydrae gemaak vir die oprigting van die pilare waarop Unisa rus.

Sy diensjare was hoofsaaklik op die platteland en dit was vir hom’n wonderlike voorreg om op die “ou platteland” te dien en te werk. Hy was elf keer in sy loopbaan verplaas. Landdroskantore het ingesluit: Queenstown, Durban, Dannhauser, Pretoria, Pietersburg, Kroonstad, Winburg, Hopefield, Bethal, Stanger en Kemptonpark. “Ek sou ‘n paar bladsye kon vul met kwinkslae wat in die howe afgespeel het.” Terwyl hy op Hoofkantoor op die inspektoraat gedien het, het hy al die kantore in Suidwes besoek.

Uit sy eerste huwelik is’n seun en dogter gebore wat albei hul brood en botter oorsee verdien. Hy is die trotse oupa van twee kleinseuns. Na sy egskeiding is hy in 2011 met Felicity getroud. Hy het ‘n passie vir sport en begin in 1993 by Centurion rolbal speel. Hy speel tans baie goeie rolbal en was die mans enkelskampioen van 2015. Voorwaar ‘n prestasie!

ANDRÉ STRYDOM

Gebore te Port Elizabeth op 19 Maart 1935. Grootgeword en skoolgegaan te Durban, Pietersburg, Springs en Kaapstad. Sy vader was in die SA Polisie (diens en is vele kere verplaas). Hy voltooi sy skoolloopbaan in 1953 in Kaapstad, Jan van Riebeeck Hoërskool en vertrek in Februarie 1954 na die Militêre Gimnasium, Voortrekkerhoogte, vir een jaar, vrywillige militêre opleiding. Geniet die militêre lewe egter te veel en sluit dus dieselfde jaar in Oktober by die Staandemag aan. Doen in 1955 ‘n instrukteurskursus en word na voltooiing daarvan in Potchefstroom geplaas.

Vroeg in 1958 ontmoet André vir Marie van Vuuren en hulle trou op 17 Desember 1960. Drie dogters word uit hierdie huwelik gebore. Einde 1966 word André na Bloemfontein verplaas en meld op 2 Januarie 1967 by 1 Spesiale diensbataljon, Tempe aan. Hier bekleë hy oor 'n tydperk van 10 jaar om die beurt, agt verskillende offisiërs-poste. In 1978 word André na die SA Leër Hoofkantoor in Pretoria verplaas en word ook hier oor 'n tydperk van 9 jaar in vyf verskillende finansiesposte om die beurt aangewend. In sy laaste drie jaar in die SA Weermag 1987 tot einde 1989, het hy in Windhoek as die hoof van Staf Finansies van die SWA gebiedsmag diens gedoen, Hy tree af met die rang van Brigadier Generaal.

Met sy aankoms in SWA is hy ook aangewys as die beskermheer van SWA Gebiedsmag Rolbal. In André se eie woorde: "And that my dear" is hoe ek en Marie by rolbal betrokke geraak het. In 1997 word hy lid van Centurion Rolbalklub, dien op verskeie komitees en is steeds 'n baie meelewende lid.

ANNA PRINSLOO is op 27 Junie 1933 op die plaas Smutsdale, 3 km buite Uniondale as 'n nooi Barnard gebore. Haar pa was onderwyser van die plaasskool daar. Op 15 jarige ouderdom is haar ma oorlede en het haar ouer suster besluit dit sal in haar beste belang wees om in Pretoria by Meisies Hoër haar skoolloopbaan voort te sit. Tipies van Anna, het sy hierdie traumatiese en dramatiese veranderinge in haar lewe van klein plattelandse skool na groot stadskool en so sonder haar ma, positief aangepak en aangepas by omstandighede. Na skool het sy 'n sekretariële kursus voltooi aan Leaf College en tydens vakansie in Calvinia by haar broer, hoor haar pa dat daar werk by die poskantoor is, maar dan moet sy eers vir 'n jaar poskantoor skool bywoon en na die jaar aanvaar sy 'n pos in Pretoria by die Hoofposkantoor.

Op 8 Oktober 1955 tree sy in die huwelik met Willem Prinsloo en hulle vestig hulle in Verwoerdburg/Centurion. Uit hierdie huwelik is twee seuns, en een dogter gebore. Anna is die trotse ouma van sewe kleinkinders en een agterkleinkind. Na Willem se dood verhuis Anna na 'n meenthuis en woon sy in Park Dalafreeoord.

Sy word lid van Centurion Rolbalklub in 1978 en dien op verskeie komitees en vul met die jare feitlik elke portefuël wat daar is, van die kombuisbestuurder tot President. Anna is ook 'n Erelid en 'n baie geliefde en ge-eerde lid van Centurion Rolbalklub.